



IRAOLA GARMENDIA familia

OLEI Olaeta auzoko baserria da, eta bertakoek diotenez, izena, burdin lanean ari izatetik omen datorkio. *Ola* beste baserri eta toponimo askotan agerten da Zaldibin: *Ola*, *Olakorta*, *Olako-erreak*, *Olalde*... uraren indarrak baliatzen zen garai eta kulturaren lekuko. Goitxo batean dago eta hortik dator (-egi) izen amaiera ere, Zaldibiko beste hainbat baserri izen eta toponimotan ere agertzen dena: *Ausoegi*, *Kobaegi*, *Urtsuegi*, *Zuntzunegi*, *Goroskindegi*, esate batera.

Oleikoei Tiro esaten zaie.

Etxe inguruko soro, zelai eta baso izenen artean ditugu: *Etxaburu*, *Etxazpi*, *Sorotxikia*, *Enparantza alde*. Azken izen honen harira, kontuan hartu behar da, egun, enparantza herriko plaza gisa ulertzen dela, baina baserri giroan teilatupe edo estalpe ere adierazten duela.

1930ean ezkondu ziren Pedro Joxe Iraola *Oleikoa* eta Genobeba Garmendia, *Iartzeta* baserrikoa. Zaldibin ezkondu, *Ostatu* tabernan gosatu eta, handik, Bilbora joan omen ziren. Ezkondu zirenean baserrian bizi ziren Pedro Joxeren aita-amak, Frantzisko Mari Iraola Garmendia eta Maria Antonia Jauregi Garmendia. Zortzi seme-alaba izan zituzten: Patxi, Pedro, Karlos, Lurdes, Joxe Mari Joxepa, Xebaxtian eta Rufino.

Gaur egun konpocketak egin eta ardientzako egokitua dago baserria.

Pedro Joxe eta Genobeba ezkonduetako urtean erosi zuen etxea Frantzisko Mari Iraola aitak. Auzo-

rako bidea (Larraitzerakoa) ere orduantxe egin zuten. Baserri bitarteko bidea berriz, gurdi bidea da.

Iraola Garmendia familiak baserritik eta Fabrikatik atera du bizimodua. Baserrian bazituzten behiak eta idiak, sei-zazpi bat buru. Eta arrautzak, oilaskoak, gaztainak, sagarrak... saltzen zituzten.

Beasaingo Fabrika Handian egin zuen aitagian lan. 1930etik 1939ra ibili zen, eta aurrena oinez jaisten ziren herrira eta handik bizikletan.

Eskolara ordu laurden edo hogeita minutuko bidea zuten, eta zazpi-zortzi urterekin hasten omen ziren joaten eta hamabirekin utzi, ahal zenean joanez.

Familia honetan bertso zaletasuna eta bertsolariak sortu dira. Horien artean bi aipatzeagatik, Patxi Iraola bertsolaria, bere oroitzapenak *Naizen apurra* liburuan utziak dituena eta Rufino Iraola, bertsozalea eta idazlea.

Baserriaren arrastoa idatzietan

Olei agertzen da etxe izen gisara 1783ko abenduaren 17ko botere emaileen artean, *Olegui* izenez, eta batzar hartara lagun bakarra joan zenez, ziurrenera etxebizitza bakarra izango zen. Hala ere, bertakoek diotenez, beraiek bi etxebizitza ezagutu izan dituzte beti.

Pasadizoak

Garia

Garia ere egiten zuten baserrian. Urte batean gorde dituzte gariak basoan eta, uste gabe, garia bertan erne zitzaien.

Kafea

Beste batean, antza denez, Zaldibiko dendari batek eman dio amari kafea gordetzeko eta honek garraioak bete eta ...zulo batean gordeta izan omen zuen.

Informazio emaila: Patxi Iraola



IRAOLA GARMENDIA familia. 1930
Genobeba Garmendia (ama) eta
Pedro Joxe Iraola (aita).



IRAOLA GARMENDIA familia
Karlos, Pedro, Patxi /
Joxe Mari, Genobeba (ama),
Pedro Joxe (aita), Lurdes /
Xebastian, Rufino eta Joxepa.



IRAOLA GARMENDIA familia
Lurdes, Pedro, Patxi, Karlos, Joxepa /
Xebastian, Rufino eta Joxe Mari.